

NUS

Coudeue lè pèi végnon blan ?

Lè premé plet dou vezadzo è lè premé pèi blan su la téta no mó-tron, dè bélaàn, è tcheu lo san bén, ma én moué chè lo rèdouton, què l'è málca què la vièillesse comènse dè chè aprotsé è la jennesse dè chèn allé.

Lo tsandzemèn dè coleûl di pèi què végnon blan chè di "la canisia" è seutta canisia i vén pelquè lè sèlulle dè la pé, què són ou cu di pèi dè la téta è dou côl, fan pamé proi dè melaninna. Can manque seutta tén-teua, si "pimèn", lè pèi végnon blan è co la pé vén blaie.

Comèn i-z-albén, sisse -z-ommo, què co dzoeunno, són dza to blan, avoué la pé délècatta, sèmblye caze què n'issàn lè jouè rodzo. Dion què ou teuppo, comèn lè tsat, lleul vèon miou què lè-z-atre. To sèn vén dè én tsandzemèn génétique.

La coleûl rodze di jouè (di pupille) vén dou san di pitchóde vén-e dè la choroïde què rèbà la clée.

La choroïde l'è eunna di peillatte, comèn an teletta, què n'a de-deun lè jouè è què, én si ca, manque co ille dè pimèn comèn la melaninna. La canisia pou véén, pè dè motif génétique, pitó a câqueun què pa a d'atre, pi vitto ou pi tâl.

Lè-z-Amèréndièn, lleûl dè sèn pâteison pa.

L'è stra râl què câqueun dè lleul n'isse lè pèi blan, è gneunca què fisse plemó.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

Cybersciences de Philippe Chartier

Texte inédit

Collaborateur de Nus pour la traduction: **Ferruccio Deval**

La transcription a été soignée par le Guichet Linguistique